

神輿本經會通

本經云。療脾洩。下痢。止小便利。澁精氣。久服令人耐寒。輕身。方術多用。○日華子云。花平。止冷熱痢。殺寸白。虵虫等。和鐵粉研。拔白髮。傳之。再出黑者。亦可染髮。○又云。東行根。平無毒。治寸白虫。剉二兩。入糯米三十粒。水一升。煎五合。空心服。須臾瀉下。神驗。○又云。皮平無毒。炒止瀉血。及崩中帶下。○晷經云。江南蜀中人。熬作煎酒服。云補治有殊効。又和雞頭實。作水陸丹。益氣補真。甚佳。○孫真人食忌云。櫻子煎。經霜後。以竹夾子摘取。於木臼

中杵去刺。勿損之。劈爲兩片。去其子。以水淘洗過。爛搗。入大鍋水煎。約水耗半。取出澄瀝過。仍重煎。似稀飴。每服取一匙。用暖酒一盞調服。其功不可具載矣。○沈存中云。止遺泄。取其溫且澁。世之用者。待紅熟。取汁熬膏。大誤也。紅熟則却失本性。今取半黃時採用。妙。○丹溪云。屬土而有金。與水經絡隧道。以通暢爲和平。昧者取澁性爲快。遂熬煎食之。咎歸諸誰。又云。沈存中云。止遺泄。取其溫且澁。須十月熟時採。不爾復令人利。○局云。金櫻黃

實赭然花。下痢遺精。用子佳。搗汁煮膏。投酒服。輕身。奈老入仙家。○金櫻子。養精益腎。輕身調和五臟。○凡入大鍋煎時。勿絕火。

皂莢。○使也。栢實爲之使。惡麥門冬。畏空青。人參。苦參。九十月採莢。陰乾。○去皮弦子。酥炙用。不入湯。有三種。本經云。形如猪牙者良。陶云。長尺二者良。本注云。長六寸。負厚者好。

味辛鹹。氣溫。有小毒。○湯云。引入厥陰經藥。○東

云。治風痰。



本經云。主風痺。死肌。邪氣。風頭。淚出。利九竅。殺精  
物。療腹脹滿。消穀。除咳嗽。囊縮。婦人胞不落。明目。  
益精。可爲沐藥。不入湯。○藥性論云。使主破堅癥。  
腹中痛。能墮胎。又云。將皂莢投酒中。盡取其精。火  
內煎成膏。塗帛貼。一切腫毒。兼止疼痛。○日華子  
云。通關節。除頭風。消痰。殺勞虫。治骨蒸。開胃。及中  
風口噤。入藥去皮子。以酥灸用。○晁經云。今醫家  
作踈風氣丸煎。多用長皂莢。治齒及取積藥。多用  
猪牙皂莢。所用雖殊。大抵性味不相遠。又云。仲景

治雜病方。欬逆上氣。唾濁。但坐不得臥。皂角丸主之。皂莢杵末。一物以蜜丸。大如梧子。棗膏湯服一丸。日三夜一服。○又米醋熬嫩刺針。作濃煎。以傳瘡癰。有奇功。○孫尚藥云。治卒中風昏昏若醉。形體昏悶。四肢不收。或倒或不倒。或口角似利。微有涎出。斯須不治。便爲大病。故傷人也。此訂風涎潮於上膈。痺氣不通。宜用救急稀涎散。猪牙皂莢四挺。須是肥實不艸。削去黑皮。晉礬一兩。光明通瑩者。二味同搗羅爲細末。再研爲散。如有患者。可服

半錢。重者三字七。溫水調灌下。不大嘔吐。只是微  
微涎稀冷出。或一升二升。當時惺惺。次緩而調治。  
不可便大服之。恐過傷人命。累經効。○丹溪云。皂  
角刺。治癰疽已潰。能引至潰處。甚驗。又神仙傳。五  
言者。職隸左親騎軍。一旦得疾。雙眼昏。咫尺不辨  
人物。眉髮自落。鼻梁崩倒。肌膚有瘡如癬。皆爲惡  
疾。勢不可救。因遇一道流自谷中出。不言名姓。授  
其方。曰。皂莢刺。一二斤爲灰。蒸久。熬研爲末。食上  
濃煎大黃湯調。一錢七服。一旬鬢髮再生。肌膚悅



澤。愈。又鐵礪以煨金銀。雖百十年不壞。以搗皂莢。則一夕破碎。○湯云。活人書治陰毒。正陽散內用皂莢。引入厥陰也。用之有蜜炙。酥炙。燒灰之異等。分依方。○局云。皂莢消痰除欬嗽。貼塗腫痛去頭風。口喎鬼壓并昏塞。搐鼻應知有大功。○皂莢爲末。搐鼻。嚏。應。什。妖。迷。

郁李人○臣也。五六月採根并實。取核中人用湯浸去皮尖用。○人家所種郁李。不入藥。

味酸。氣平。無毒。○湯云。味苦辛。陰中之陽。辛苦陰



也。○東云。潤腸。宣水。去浮腫。○珍云。主頭面四肢  
浮腫。大腹水腫。破血。潤燥。

本經云。主大腹水腫。四肢浮腫。利小便水道。○根。

主齒斷腫。齩齒堅齒。去白虫。○藥味論云。臣。味苦。

辛。治腸中結氣。關格不通。○根治齒痛。宣結氣。破。

結聚。○日華子云。通泄五臟。膀胱急痛。宣腰膝冷。

膿。消宿食。下氣。又云。根涼無毒。○治小兒熱發。作。

湯浴。風艸牙。濃煎汁。含嗽之。○啣經云。韋宙獨行。

方。療脚氣浮腫。心腹滿。大小不通。氣急喘息者。以。

郁李人十二分。搗碎。水研。取汁。薏苡人。搗得如粟米。取三合。以汁煮米作粥。空腹食之佳。○珍云。破血潤燥。○局云。郁李人通關格病。主除大腹四肢浮。若還齒痛并虫証。須用根皮。病乃瘳。○郁李人蕩浮腫四肢。

椿木葉。○無花不實者爲椿。有花而莢者爲樗。味苦。有毒。

本經云。主洗瘡疥。風疽。水煮葉汁用之。○孟詵云。椿溫。動風。熏十二經脉。五臟六腑。多食令人神不

清血氣微。又女子血崩。及產後血不止。月信來多。可取東引細根一握。洗之。以水一大升。煮分再服。便斷。亦止赤帶下。療小兒疳痢。可多煮汁灌之。又取白皮一握。倉粳五十粒。葱白一握。甘草三寸。炙豉兩合。以水一升。煮取半升。頓服之。小兒以意服之。枝葉與皮。功用皆同。○晷經云。椿木實而葉香。可噉。樗木踈而氣臭。○丹溪云。樗木皮臭。椿根其性涼。而能澁血。樗木臭踈。椿木香實。其樗用根葉。莢。故曰。未見椿上有莢。惟樗木上有莢。以此爲異。



椿皮

東云。椿根白皮。味苦。有毒。主瀉血。

本經云。主甘蜜。

樗木。一名臭椿。

味苦。有小毒。○藥性論云。樗白皮。使味苦。微熱。無毒。○一云温。

本經云。根葉尤良。○陳藏器云。主赤白久痢。口鼻

中疳虫。去疥蟻。主鬼疰。傳尸。蠱毒。下血。根皮去鬼

氣。○藥性論云。樗白皮。治赤白痢。腸滑。痔疾。瀉血





不住。○肖柄云。樗皮。主疳痢。得地榆同療。之根皮尤良。○日華子云。樗皮。溫。無毒。止瀉。腸風。縮小便。入藥。蜜炙用。○岳經云。樗根。煮汁。主下血。及小兒疳痢。亦取白皮。和倉朮米。葱白。甘草。豉。同煎。飲服。血痢便斷。唐劉禹錫著樗根餠法云。每至立秋前後。即患痢。或是水穀痢。兼腰疼等。取樗一大兩。搗篩。以好麩。捻作餠子。如皂莢子大。清水煮。每日空腹服十枚。並無禁忌。神良。○局云。椿樗兩木。性同良。樗臭難爲。椿樹香。葉汁洗瘡。除疥蟲。白皮

主痢止兒疳。○樗白皮。止痢斷疳。葉汁洗瘡。除疥  
蝨。○衍義曰。治大腸風虛。飲酒過度。挾熱下痢。膿  
血疼痛。多日不差。樗根白皮一兩。人參一兩。爲末。  
每用二錢七。空心以溫酒調服。如不酒。以溫米飲  
代。忌油膩濕面。青菜果子。甜物。雞猪魚腥等。

五加皮。○遠志爲之使。畏蛇皮。玄參。○五月七日採  
莖。十月採根。陰乾。五葉者良。一名豺漆。一名豺節。  
生漢中。及冤句。○陶云。四葉者亦好。

味辛苦。氣溫。微寒。無毒。○東云。堅筋骨立行。

本經云。主心腹疝氣。腹痛。益氣。療臂。小兒不能行。疽瘡。陰蝕。男子陰痿。囊下濕。小便餘瀝。女人陰痒。及腰脊痛。兩脚疼痺。風弱。五緩。虛羸。補中益精。堅筋骨。強志意。久服輕身耐老。○藥性論云。有小毒。破逐惡風血。四肢不遂。賊風傷人。軟脚。醫腰。主多年瘀血在皮膚。治痺。溫內不足。主虛羸。小兒三歲不能行。用此便行走。○日華子云。明目。下氣。治中風。骨節攣急。補五勞七傷。○葉治皮膚風。可作蔬菜食。○晉經云。今江淮間所生。乃爲真者。類地骨。



輕脆芬香是也。香氣如橄欖。春時結人如豆粒。而扁。春青得霜乃紫黑。亦可以釀酒。飲之治風痺。四肢攣急。○陳藏器云。五加皮。花者治眼。臃人搗末酒調服。自正。○煑石經云。何以得長久。何不食石。畜金鹽。何以得長壽。何不食石。用玉豉。卽五加皮。地榆。五加地榆。皆是煑石而餌。得長生之藥也。昔孟綽子董士固。共相與言曰。寧得一把五加。不用黃金滿車。寧得一斤地榆。不用明月寶珠。○張子聲。楊建始。王叔才。于出彥等。皆服此酒。而房室不



絕得壽三百年。有子二十人。世世有得服五加酒散而獲延年不死者。不可勝計。或只爲散以代湯茶而餌之。驗亦然也。大王君謂五加云。蓋天有五車之星精也。金應五湖。人應五德。位應五方。物應五車。故青精入莖。則有東方之液。白氣入節。則有西方之建。紅氣入華。則有南方之光。玄精入相。則有北方之人。黃煙入皮。則有戊巳之靈。五神鎮主。相轉盲成。用之者真仙。服之者反嬰也。○局云。五加皮主風寒痺。心痛堅筋。更益精。并治陰瘡。通疝。